

Yuhana IεTεPεηι niηcyiιηι Mpe yii à yaa yii cè mà jwo yii jyè IεTεPεηι funηo jwumpe e ke

Yuhana mpyi Yesu tũntunηo. Uru u à ηge IεTεPεηι sém'a tũugo dánafeebil'á Azi kũluni i. U à li cyêe dánafeebii na na pi ηye a yaa pi a ηko pire ηye na kapegigii pyi με, pi à yaa pi a yyérelì pi kapegigii na, ηaha kurugo ye Yesu à kwũ, maa pi kapegigii jyé a láha pi na.

U à li cya dánafeebil'á na pi piye kyaa táan piy'á, ηaha na ye Kile u à fyânha a wuu kyaa táan uy'á. Cyelentiibii kafinivinibii pìi mú na mpyi wani, pir'à jwo na Yesu ηye a pa sũpya diηyeηi i με, na Kile Jyaηi wi kanná. Yuhana à li cya dánafeebil'á na pi a piye kàanmucaa pire na.

Jwumpe pu ηye na shìηi sèe wuηi kaan ke

¹ Mà jwo diηyeηi u dá ke, ηge u mpyi wani ke, wuu à uru kyaa lógo, wuu ηyiigil'à u ηya, wuu à u wíi maa bwòñ u na ná wuu cyeyi i. Jwumpe pu ηye na shìηi sèe wuηi kaan ke, puru kyaa li.

² Kile à uru shìηi cyêe wuu na. Shìηi niηkwombaani u mpyi Tufooni Kile taan ná u à u cyêe wuu na ke, wuu à u ηya, wuu na u shenre yu, uru kyaa wuu ηye na yu yii á.

³ Ngemu wuu a ηya maa u kyaa lógo ke, uru kyaa wuu ηye na yu yii á, bà yii si mpyi si jyè wuu ηgwòñi i με. Wuu pi ke, wuu ná Tufooni ná u Jyaηi Yesu Kirisita pi ηye wwonee.

4 Wuu na jcyii karigii sémeni si ntun yii á, bà wuu funntange si mpyi si fûnḡo me.

Wuu à yaa wuu a jaare bènmpé e

5 Jwumpe wuu à lógo u á si njwo yii á ke, puru pu nyé: Kile na nyé bènmpé, numpire cyaga nyé a sùu u e mé.

6 Wuu aha jwo na wuu ná uru na nyé wwoḡe, mà li ta wuu na jaare numpini i, wuu na fini, wuu nyé sèḡi jḡḡ'i mé.

7 Nka wuu aha a jaare bènmpé e, bà Kile yabilḡi nyé bènmpé e mé, wwoḡeḡe sí n-pyi wuu ná wuye shwòhòl'e. U Jyanji Yesu sishange sí wuu kapegigii puni jyé n-láha wuu na.

8 Wuu aha jwo na wuu nyé na kapegii pyi mé, wuu na wuye jwò fáanḡi, sèḡi nyé wuu á mé.

9 Nka wuu aha ntèen li taan, na wuu na nyé kapimpyimii, Kile sí cyi yàfa wuu na, si ntiimbaanḡi puni jyé n-láha wuu na, jaaha na ye jwòmme niḡkinfoo u nyé u wi, u à tí.

10 Wuu aha jwo na wuu nyé a kapii pyi mé, wuu maha Kile pyi kafiniviniwe, u jwumpe nyé wuu funḡ'i mé.

2

1 Mii pyiibii, mii à ḡe lèterḡi séme si ntun yii á, bà yii si mpyi si láha kapegigii mpyiḡi na mé. Nka wà ha kapii pyi, tḡḡefoo niḡcḡḡe na nyé wuu á Tufoḡi taan, Yesu Kirisita kyaa li, u à tí.

2 U à uye pyi sárage maa wuu kapegigii tugure lwó maa Kile lùuni tḡḡe. Wuu kanni wogigii kurugo bà u à uye pyi sárage mé, ḡka diḡyḡḡi sùpyire puni wogigii kurugo.

³Wuu aha a u tonji kurigii jaare, lire cye kurugo wuu sí n-cè na wuu à u cè.

⁴Wà ha jwo na ur'à u cè, mà li ta urufoo nyε na u tonji kurigii jaare με, urufoo na nyε kafiniviniwe, sèenji nyε urufol'á με.

⁵Nka ηgemu u nyε na u jwumpe kurigii jaare ke, uru maha li cyêe na Kile kyal'à táan ur'á sèenji na. Lire cye kurugo, wuu maha li cè na wuu ná Kile à wwò.

⁶Wà ha jwo na ur'à wwò ná u e, urufol'à yaa u a u karigii pyi Yesu wogigii fiige.

⁷Mii ntàannamacinmpyiibii, tonji kyaa mii à jwo yii á ηge letερηι i ke, to nivανηο bà με. To nijjye wi, canηke na yii à jyè Kile kuni i ke, uru tonj'á kan yii á kuru canηke. Jwumpe p'à fyânha a jwo yii á ke, puru pu nyε uru tonji nijjyeni.

⁸Nka lire ná li wuuni mú i, to nivανηο wi mú. Yesu Kirisita à uru tonji kuni jaara, yii mú sí na u kuni jaare. Numpini na ntùuli, bèenmpe sèe wumpe na ηî mà kwò.

⁹Shinji u à jwo na uru na jaare bèenmpe e, mà li ta u à u cìmpworonji kyaa pen uy'á ke, urufoo saha na nyε numpini i.

¹⁰Shinji u à u cìmpworonji kyaa táan uy'á ke, urufoo maha mpyi bèenmpe e, yafyin nyε na jìn'a urufoo pyi u à cwo με.

¹¹Nka shinji u à u cìmpworonji kyaa pen uy'á ke, urufoo na nyε numpini i, u na jaare numpini i, u nyε a tashaga cè uye na με, jaaha na ye numpin'à u yyahe wwò u na.

¹²Mii pyiibii, mii na nje sémeni si ntun yii á, jaaha na ye yii kapegigil'à yàfa yii na Yesu mege na.

13 Tiibii, mii na nje sémeni si ntun yii á, naha na ye mà jwo diɲyeni u dá ke, ɲgemu u ɲye ke, yii à uru cè.

Nàɲjiibii, mii na nje sémeni si ntun yii á, naha na ye yii à jà Sitaanniɲi na.

14 Mii nàɲkwoobii, mii à nje sém'a tun yii á, naha na ye yii à Tufooni cè.

Tiibii, mii à nje sém'a tun yii á, naha na ye ɲgemu u ɲye mà jwo diɲyeni u dá ke, yii à uru cè.

Nàɲjiibii, mii à nje sém'a tun yii á, naha na ye yii à pyi fàɲhɲyahaga sùpyii. Kile jwump'à tateɲge wwú yii zòompil'e, ka yii i jà Sitaanniɲi na.

15 Yii àha diɲyeni ná u funɲo karigii kyaa táan yiy'á me. Shinɲi u à diɲyeni kyaa táan uy'á ke, Tufooni kyaa maha ntáan urufol'á me.

16 Naha kurugo ye yaaga maha yaaga ku ɲye diɲyeni i mu à jwo sùpyani ɲyii karigii ná yaayi u maha ɲaa maa ɲyii yige yi kurugo ke, ná diɲyeni karigii cyi maha ma ná yàmpeente e ke, lire là ɲye a fworu Tufooni i me, ɲka diɲyeni i cyi à fworu.

17 Diɲyeni ná u ɲyii karigii na ntùuli. Nka shinɲi u ɲye na Kile ɲyii wuuni pyi ke, urufoo sí n-kwôro tèekwombaa.

Kirisita zàmpeɲɲi kani

18 Mii nàɲkwoobii, diɲyeni tèekwooni laaga saha ɲye a tɔn me. Y'à jwo yii á na Kirisita zàmpeɲɲi sí n-pa. Nye tɛni i wuu ɲye nume ke, Kirisita zàmpeɲɲii ɲɲyahamil'à pa a kwɔ. Lire cye kurugo wuu à li cè na diɲyeni tèekwoon'à byanhara.

19 Pi à fworu wuu shwɔhɔl'e, ɲka pi mpyi ná wuu e me, naha na ye kàmpyi pi mpyi ná wuu e, pi

mpyi na sí n-kwôro ná wuu e. Nka pi à fworu wuu shwòhòl'e ke, lir'à li cyêe na pi wà tufige mpyi ná wuu e mε.

²⁰ Nka yii pi ke, Yesu Kirisita u à fworu Kile e ke, ur'à Kile Munaani le yii e, ka yii puni si sèenji cè.

²¹ Mii à nge letereñi sém'a tun yii á, nka lire nyε a li cyêe na yii nyε a sèenji cè mà dε! Yii à u cè ke, lire kurugo u à tun yii á. Yii à li cè mú na kafinara si n-jà n-fworu sèenji i mε.

²² Jofoo sí u nyε kafiniviniñi yε? Shinñi u à Yesu cyé na Kile Nihcwònròñi bà u nyε u wi mε, uru u nyε kafiniviniñi, maa mpyi Kirisita zàmpenñi. Urufol'à cyé Tufoonji ná Jyafoonji na.

²³ Shin maha shin u à Jyafoonji cyé ke, urufoo nyε ná Tufoonji i mε. Nka ngemu ká nyε Jyafoonji na ke, urufoo mú na nyε ná Tufoonji i.

²⁴ Yii pi ke, jwumpe pu nyε na yu yii á mà lwó fo yii téejyiini i Kile kuni i ke, pur'à yaa pu kwôro yii funñ'i. Puru ká nkwôro yii funñ'i, yii sí n-pyi Jyafoonji wwoñεε, sí n-pyi Tufoonji wwoñεε mú.

²⁵ Nwómεεni Jyafoonji s'à lwó wuu á ke, lire li nyε: shèñi niñkwombaani.

²⁶ Sùpyire ti nyε na yii leni kumpiini i ke, mii à ncyii karigii sém'a tun yii á pire kyaa na.

²⁷ Yii pi ke, Kile Munaani Jyafoonji à le yii e ke, lir'à tèn yii e. Lire e ke nùñò saha nyε mà yaaga jwo yii á mε, naha na yε lire Munaani na karigii puni yyaha yu yii á. Yaaga maha yaaga li nyε na yu ke, yire puni nyε sèe, li nyε na fini mε. Nyε lire e ke, l'aha ndemu jwo yii á ke, yii a lire pyi. Yii kwôro Kirisita wwoñεεge e.

Kile pyìbii pyiñkanni

²⁸ Nyε mii pyilibii, yii kwôro Kirisita wwoηεεge e, bà li sí mpyi, canηke u sí núru n-pa ke, u u mpa wuu yákilibii ta pi à tēen, k'àha ηkwò mpyi wuu á silege kuru canηke με.

²⁹ Bà yii à li cè na Kirisita à tíi με, yii li cè mú na shin maha shin u maha katiigii pyi ke, urufoo maha li cyêe lire cye kurugo na uru ηyε Kile pyà.

3

¹ Táannηkanni na wuu kyal'à táan Tufoonji á ke, yii lire kàanmucya κε! U à wuu kyaa táan uy'á fo wuu na yire Kile pyii. Kile pyii pi à sìi wuu. Nde l'à dijnyeni sùpyire pyi ti ηyε a wuu cè με, lire li ηyε: pi ηyε a Kile cè με.

² Mii ntàannamacinmpyiibii, numε kōni, wuu à pyi Kile pyii. Wuu sí n-pa n-pyi yaage ηkemu ke, kuru sàha ηkwò a cyêe wuu na με. Nka wuu kōn'à cè, canηke Yesu Kirisita sí n-cyêe ke, pyiηkanni na u ηyε ke, wuu sí n-pyi amuni. Lire e*, pyiηkanni na u ηyε ke, wuu sí u ηya amuni.

³ Shin maha shin u à u sònηore taha li na na uru sí n-pyi Yesu fiige ke, urufoo maha uye fīniηε bà u à fīniηε με.

⁴ Shin maha shin u ηyε na kapegigii pyi ke, urufoo maha Kile Saliyanjì tūnni, ηaha na ye kapegigii cyi ηyε Kile Saliyanjì kafuunnηkii.

⁵ Yii s'a li cè na Yesu Kirisita à pa si kapegigii shi kwò. Uru yabilijì ηyε a kapii pyi mà ηya με.

⁶ Lire e ke shin maha shin u ηyε Yesu Kirisita wwoηεεge e ke, urufoo sì ηεε n-kwôro kapegigii mpyiηi na με. Shin maha shin u à kwôro kapegigii

* **3:2** Pii maha jwo: «ηaha kurugo ye».

mpyiñi na ke, urufoo nyε a Yesu Kirisita nya mε, u mú nyε a u cè mε.

⁷ Mii pyìbii, yii àha ñkwò wà yaha u yii le kumpiini i mε. Shin maha shin u nyε na katiigii pyi ke, urufol'à tí bà Yesu Kirisita à tí mε.

⁸ Shin maha shin u nyε na kapegigii pyi ke, urufoo na nyε Sitaanniñi wu, ñaha na yε mà lwó fo tasiige e, Sitaanniñi na kapegigii pyi. Kile Jyanji kapani sí li nyε si Sitaanniñi kapyiñkii shi bò.

⁹ Shin maha shin u nyε Kile pyà ke, urufoo nyε na ñkwôroli kapegigii mpyiñi na mε, ñaha na yε Kile fànhe maha mpyi urufol'e. Ná urufoo sí nyε Kile pyà, lire kurugo u sì n-jà n-kwôro kapegigii mpyiñi na mε.

¹⁰ Nde l'à Kile pyìbii ná Sitaanniñi pyìbii wwû piye e ke, lire li nyε: shin maha shin u nyε u nyε na katiigii pyi, maa u cìmpworonji kyaa táan uy'á mε, urufoo nyε Kile pyà mε.

Pyiñkanni na wuu à yaa wuu wuu cìmpyiibii kyaa táan wuy'á ke

¹¹ Yii li cè na jwumpe p'à jwo yii á mà lwó fo yii tèejyiini i Kile kuni i ke, puru pu nyε: wuu wuye kyaa táan wuy'á.

¹² Wuu àha mpyi Kanji fige mε, uru na mpyi Sitaanniñi wu, u à u sìñeñi bò. Kanji kapyiñkii mpyi a pi, lire kurugo u à u sìñeñi bò, mà li ta u sìñeñi wogigii mpyi a tí.

¹³ Cìmpyiibii, yii kyaa ká mpεn diñyεñi sùpyir'á, lire kà mpâa yii e mε.

¹⁴ Wuu à li cè na tènì l'e shìñi sèe wuñi mpyi wuu á mε. Nka numε u nyε wuu á, ñaha na yε wuu à wuu

cìnpyiibii kyaa táan wuy'á. Shinji u à u cìnpyiibii kyaa pɛn uy'á ke, urufoo na nyɛ kwùni i.

¹⁵ Shin maha shin u à u cìmpworonji kyaa pɛn uy'á ke, urufoo ná supyibon'à tàanna. Yii s'à li cè na supyibonɔ̀ sì n-jà n-kwôro supyibuuni na, si shènji ninkwombaanji ta mɛ.

¹⁶ Ndemu cye kurugo wuu à tàange shi cè ke, lire li nyɛ: Yesu Kirisita à u múnaani kan wuu kurugo. Lire e wuu mú à yaa wuu wuu múnahigii kan wuu cìnpyiibii kurugo.

¹⁷ Nàfuufoo ká u cìmpworonji wà nya kanhare e, maa mpyi u nyɛ a nɛn'a u tɛ̀ɛ mɛ, tá Kile tàange nyɛ urufol'e?

¹⁸ Mii pyiibii, wuu tàange nyɛ a sàa yaa ku pyi nɔ̀wɔ̀wumɔ̀ kanna mɛ. K'à yaa ku pyi tàange ya-bilinji, nkemu ku sí raa naa wuu kapyiinkil'e ke.

¹⁹ Lire cye kurugo, wuu sí li cè na wuu na jaare sèenji nɔ̀n'í, wuu yákilibii mú sí n-tɛ̀ɛn Kile yyahe taan.

²⁰ Ali wuu zòmpyaagii mée ká sì na wuu cêɛge karigii cyil'e, wuu li cè na Kile à fànha tò wuu zòmpyaagii na, u à karigii puni cè.

²¹ Mii ntàannamacinmpyiibii, wuu zòmpyaagii ká mpyi cyi nyɛ na wuu cêɛge mɛ, wuu yákilibii sí n-tɛ̀ɛn Kile yyahe taan.

²² Lire ká mpyi, wuu aha yaaga maha yaaga jáare u á ke, u sí kuru kan wuu á, jáaha na yɛ wuu na u tonji kurigii jaare, maa u nyii karigii pyi.

²³ Nde u à cya wuu á uru tonji funnke e ke, lire li nyɛ: wuu dá u Jyanji Yesu Kirisita na, wuu u wuye kyaa táan wuy'á bà u à li cya wuu á mɛ.

²⁴ Shinji u nyɛ na Kile tonji kurigii jaare ke, urufoo ná Kile maha mpyi wwɔ̀nɛɛ, Kile ná urufoo

mú maha mpyi wwoηεε. Ndemu cye kurugo wuu maha li cè na wuu ná Kile ηγε wwoηεε ke, lire li ηγε: u à u Munaani le wuu e.

4

Ndemu cye kurugo Kile tùntunηi maha ηcè ke

¹ Mii ntàannamacinmpyiibii, mpii puni pi ηγε na ma yii á, na pire na ηγε Kile tùntunmii ke, yii àha ndá pi puni na με, yii a pi zòmpii shuu yii a wíi, yii i ηcè kampyi Kile u à pi tun, ηaha na ye shinηyahara na fini diηγεηi yyaha kurugo na pire na ηγε Kile tùntunmii.

² Ndemu cye kurugo Kile tùntunηi maha ηcè ke, lire li ηγε: shin maha shin u à tèen li taan na Yesu Kirisita à pa mpyi sùpya ke, urufoo na ηγε Kile tùntunηo.

³ Nka shin maha shin u à jwo na uru na ηγε Kile tùntunηo, maa Yesu cyé ke, urufoo ηγε Kile tùntunηo με. Kirisita zàmpηηi tùntunηo u ηγε urufoo, u kyaa s'à jwo yii á na u sí n-pa, u s'à pa a kwò diηγεηi i.

⁴ Yii pi ke, mii pyìibii, yii na ηγε Kile wuu. Yii à fànha ta pire kafinivinibii na, ηaha na ye Munaani l'à tèen yii e ke, lir'à fànha tò diηγεηi sùpyire wuuni na.

⁵ Pire kafinivinibii pi ke, pire na ηγε diηγεηi wuu, lire kurugo pi maha yu mà tàanna ná diηγεηi jwuηkanni i, diηγεη'a sì wá na núru pi ηwo na.

⁶ Wuu pi ke, wuu na ηγε Kile wuu. Shinηi u à Kile cè ke, urufoo maha núru wuu ηwo na. Nηemu u ηγε u ηγε Kile pyà με, urufoo ηγε na núru wuu ηwo na με. Lire cye kurugo, wuu maha tùntunmpii sèe wuubii cè a wwû kafinivinibil'e.

Kile à wuu kyaa táan uy'á, wuu wuu shinεebii kyaa táan wuy'á mú

⁷ Mii ntàannamacinmpyiibii, wuu wuye kyaa táan wuy'á, naha na ye tàang'à fworro Kile e. Shin maha shiin u à u cìnmpyiibii kyaa táan uy'á ke, urufoo na nyε Kile pyà, maa u cè.

⁸ Shinñi u nyε u nyε a u cìnmpyiibii kyaa táan uy'á mε, urufoo nyε a Kile cè mε, naha na ye Kile na nyε tàanga.

⁹ Pyinñkanni na Kile à li cyêe wuu na na wuu kyal'à táan ur'á ke, lire li nyε: u à u Jyanji ninñkinñi tun u à pa diñyεñi i, bà wuu si mpyi si shinñi sèe wunji ta u cye kurugo mε.

¹⁰ Kuru tàange ku nyε: wuu bà pi à Kile kyaa táan wuy'á mà dε! Nka Kile u à wuu kyaa táan uy'á, maa u Jyanji tun u à pa mpyi sáraga maa wuu kapegigii tugure lwó maa Kile lùuni tñε.

¹¹ Nyε mii ntàannamacinmpyiibii, ná Kile à wuu kyaa táan uy'á lire pyinñkanni na, lire e wuu mú à yaa wuu wuye kyaa táan wuy'á.

¹² Sùpya nyii nyε a tèg'a nya Kile na mε, nka wuu aha wuye kyaa táan wuy'á, wuu sí n-kwôro Kile wwoñεεge e, u tàange mú sí raa naa wuu shwôhól'e sèenji na.

¹³ Ndemu cye kurugo wuu à li cè na wuu à wwò ná Kile e, Kile mú s'à wwò ná wuu e ke, lire li nyε: u à u Munaani le wuu e.

¹⁴ Tufoonji à Jyafoonji tun u à pa mpyi diñyεñi Shwofoonji, wuu à lire nya wuu nyiigii na, maa mpyi lire kani shεεnre jwufee.

¹⁵ Shinñi u à tèn li taan na Yesu u nyε Kile Jyanji ke, Kile à wwò ná urufol'e, urufoo mú à wwò ná Kile e.

16 Táanŋkanni na Kile à wuu kyaa táan uy'á ke, wuu à lire cè, maa dá li na. Kile na nyε tàanga, shinŋi u à kwôro tàange e ke, urufol'à wwò ná Kile e, ka Kile sí wwò ná urufol'e.

17 Wuu kyal'à táan Kile á sèenŋi na, lire kurugo canŋke u sí sùpyire puni sâra si ntàanna ná pi kapyiĩŋkil'e ke, wuu yákiliteenre wuu pi sí n-pyi kuru canŋke. Naha kurugo ye bà Yesu Kirisita mpyi ŋge diŋyeŋi i mε, amuni wuu mú nyε.

18 Shinŋi u à Kile ná u cìmpyiibii kyaa táan uy'á ke, urufoo yákiĩŋi maha ntèen, naha na ye tàange sèe woge maha fyagare kwò. Yii li cè na mu aha sùpyaŋi nya u u fyáge, u kapegigii sí ndemu nò u na ke, lire yyaha na u maha fyáge. Lir'à li cyêe shinŋi u nyε na fyáge ke, tàange nyε a ndìre wà urufol'e mε.

19 Wuu pi ke, Kile u à fyânha a wuu kyaa táan uy'á, lire kurugo wuu à Kile ná wuu cìmpyiibii kyaa táan wuy'á.

20 Wà ha jwo na Kile kyal'à táan ur'á, mà li ta urufol'à u cìmpworonŋi kyaa pen uy'á, urufoo na nyε kafiniviniwe, naha na ye mu nyii nyε ma cìmpworonŋi ŋgemu na ke, mu aha uru kyaa pen may'á, Kile u nyε mu nyii nyε uru na mε, di uru kyaa sí n-jà n-táan mu á n-jwo ye?

21 Nde Kile nyε na ŋcaa wuu á ke, lire li nyε: uru kyal'à táan ŋgemu á ke, urufoo u u cìmpworonŋi kyaa táan uy'á mú.

5

Kile ànjemu jwo Yesu kyaa na ke, wuu dá yire na

1 Shin maha shin u à dá li na na Yesu u nyε Kile Nijcwənrəŋi ke, urufoo na nyε Kile pyà. Tufoonŋi

Kile kyal'à táan shin maha shin á ke, u pyìibii kyaa maha ntáan urufol'á mú.

² Wuu aha Kile kyaa táan wuy'á, maa u tonji kurigii ñaare, lire cye kurugo wuu sí li cè na u pyìibii kyal'à táan wuu á.

³ Yii li cè, mà Kile kyaa táan may'á, lire li ñye: na u tonji kurigii ñaare. Cyire sí ñye kapyimpengii mε,

⁴ ñaha na ye shin maha shin u ñye Kile pyà ke, urufoo maha fànha ta diñyeñi na. Yaage urufoo maha ntèg'a fànha ta diñyeñi na ke, kuru ku ñye wuu dáníyañi Yesu Kirisita na.

⁵ Jo u sí n-jà fànha ta diñyeñi na ye? Shinñi u à dá li na na Kile Jyañi u ñye Yesu ke, urufoo wi.

⁶ Yesu Kirisita à pa diñyeñi i, maa batize lwøhe e, maa uye pyi sáraga, u sìshang'à wu. U ñye a batize kannna mε, u à batize, lire kàntugo maa uye pyi sáraga, u sìshang'à wu. Kile Munaani na yire yu wuu á, lire li ñye sèenji.

⁷ Ñye yii li cè na yaayi taanre yi ñye na Yesu Kirisita kyaa yu wuu á, yire yi ñye:

⁸ Kile Munaani ná lwøhe ná sìshange. Yire taanrenji mú s'à bê niñkin na u kyaa na.

⁹ Nde sùpyir'à ñya maa li yu ke, wuu maha ñεεge lire na, mà li ta nde Kile ñye na yu ke, lir'à fànha tò sùpyire wuuni na, ñaha na ye Kile yabilin'á jwo u Jyañi kyaa na.

¹⁰ Shin maha shin u à dá Kile Jyañi na ke, urufol'à ñεε Kile niñjwuyi na, maa yi yaha uye funñ'i. Ngemu sí u ñye u ñye a dá Kile niñjwuyi na mε, urufol'à Kile pyi kafiniviniwe, ñaha na ye nde Kile à jwo u Jyañi kyaa na ke, urufoo ñye a dá lire na mε.

11 Lire sí li nyε: Kile à shìnji nin̄kwombaan̄ji kan wuu á, uru shìnji na ntaa u Jyan̄ji cye kurugo.

12 Shin maha shin u nyε ná Jyafoon̄ji i ke, shìnji sèe wun̄ji na nyε urufol'á. Shin̄nji u nyε u nyε ná u e mε, shìnji sèe wun̄ji nyε urufol'á mε.

Jwumpe nizanmpe

13 Yii pi à dá Kile Jyan̄ji na ke, mii à n̄ge letεrɛn̄ji séme si ntun yii á, bà yii si mpyi si li cè na yii à shìnji nin̄kwombaan̄ji ta mε.

14 Wuu aha yaaga maha yaaga jáare Kile á mà tàanna ná u nyii wuuni i ke, wuu à tèn ná l'e na u sí wuu n̄arege lógo.

15 Ná wuu s'à li cè na u maha wuu n̄areyi núru, lire e, wuu aha yaaga maha yaaga jáare u á ke, wuu maha li cè na wuu à kuru ta a kwò.

16 Wà ha cin̄mpworon̄ji wà n̄ya u u kapii pyi, ndemu li nyε li sì kwùnji n̄o u na mε, urufoo u Kile jáare u á. Kile sí shìnji sèe wun̄ji kan u á, kapegigii cyi nyε cyi nyε na kwùnji n̄oni sùpyan̄ji na mε, cyire pyifeebii kyaa li. N̄ka kapiini là na nyε wani, lire maha sàa kwùnji n̄o sùpyan̄ji na. Lire kapiini sh̄nji pyifoon̄ji kyaa na bà mii à jwo yii Kile jáare mε.

17 Kyaa maha kyaa l'à para tapyige e ke, lire na nyε kapii. N̄ka kapegigii puni nyε na kwùnji n̄oni sùpyan̄ji na mε*.

18 Wuu à li cè na shin maha shin u nyε Kile pyà ke, urufoo nyε na uye yare kapegigii mpyin̄ji yahare e mε, n̄aha na yε Kile Jyan̄ji maha urufoo san̄cwon̄ni sigili, lire kurugo Sitaann̄ni sì n-jà yafyin pyi urufoo na mε.

* 5:17 Yii Marika 3.28-29 wíi.

19 Wuu à li cè na wuu na nyε Kile wuu, di nyε ni sùpyire sannte sí nyε Sitaanninji fànhe nwòh'i.

20 Wuu à li cè mú na Kile Jyaji à pa, maa wuu yákilibii múgo, ka wuu u Kilenji sèe wunji cè. Wuu nyε Kilenji sèe wunji wwojεε, wuu ná u Jyaji Yesu Kirisita wwojεεge cye kurugo. Uru u nyε Kilenji sèe wunji, ηgemu u maha shìni ninjkwombaanji kaan ke.

21 Mii pylibii, yii a yiye kàanmucaa yasunji na.

KILE JWUMPE SEMEŋI JWUMPE NINTANMPE New Testament in Senoufo, Supyire Farakala; spp

copyright © 2008 Wycliffe Bible Translators, Inc.

Language: Supyire Sénoufo (Sénoufo, Supyire)

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Senoufo, Supyire

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files
dated 29 Jan 2022

9c94658e-b59d-5cd7-bd2e-4e0770667d41